



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ԶԱՐԳԱՑՄԱՆ  
ՆԱԽԱՐԱՐՈՒԹՅՈՒՆ**

**Հայաստանի Հանրապետության կառավարության 2016  
թվականի գործունեության միջոցառումների ծրագրի և  
գերակա խնդիրների իրականացման արդյունքների մասին  
հաշվետվության սեղմագիր**

**ԵՐԵՎԱՆ 2017թ.**

Ի կատարումն ՀՀ վարչապետի 2017 թվականի հունվարի 9-ի թիվ 02/11.5/66-17 հանձնարարականի՝ ներկայացվում է ՀՀ կառավարության 2016 թվականի գործունեության միջոցառումների ծրագրի և գերակա խնդիրների իրականացման արդյունքների մասին հաշվետվության սեղմագիրը:

## **ՏԱՐԱԾՔԱՅԻՆ ԿԱՌԱՎԱՐՄԱՆ ԲՆԱԳԱՎԱՌ**

### **«Հայաստանի Հանրապետության տարածքային զարգացման ռազմավարությանը հավանության տալու մասին» ՀՀ կառավարության արձանագրային որոշման նախագիծը ՀՀ կառավարություն ներկայացնելը**

ՀՀ կառավարության 2016 թվականի հունվարի 14-ի «Հայաստանի Հանրապետության կառավարության 2016 թվականի գործունեության միջոցառումների ծրագիրը և գերական խնդիրները հաստատելու մասին» թիվ 131-Ն որոշմամբ հաստատված հավելված 1-ի 36-րդ կետով սահմանված՝ «Հայաստանի Հանրապետության 2016-2025 թվականների տարածքային զարգացման ռազմավարությանը հավանության տալու մասին» ՀՀ կառավարության արձանագրային որոշման նախագծի մշակման աշխատանքներն իրականացվել են միջոցառումների ժամանակացույցով սահմանված ժամկետում:

Հայաստանի Հանրապետության 2016-2025 թվականների տարածքային զարգացման ռազմավարությունը հավանության է արժանացել ՀՀ կառավարության կողմից 29.07.2016թ. N 29 արձանագրային որոշմամբ:

Ռազմավարության իրականացման արդյունքում.

- 2025 թվականի դրությամբ, առանձին վերցված, յուրաքանչյուր մարզում մեկ շնչի հաշվով ՀՆԱ-ն կգերազանցի մեկ շնչի հաշվով ՀՆԱ-ի միջին հանրապետական ցուցանիշի 60 %-ը և մեկ շնչի հաշվով ՀՆԱ-ի 70 %-ից ցածր կգտնվի մարզերի բնակչության ոչ ավելի քան 30 %-ը:
- 2025 թվականի դրությամբ բոլոր մարզերում միջին մասնագիտական և բարձրագույն կրթություն ունեցողների, ոչ գյուղատնտեսական ֆորմալ զբաղվածների և ակտիվ ձեռնարկությունների թվաքանակը կաճի առնվազն 10%-ով՝ համեմատած 2014 թվականի հետ:

Տարածքային զարգացումը Հայաստանում կկենտրոնանա մի շարք առաջնահերթությունների վրա, որոնք են՝ քաղաքային զարգացման բևեռների հիմնում,

տեղական ու տարածքային տրանսպորտային ենթակառուցվածքի բարելավում, տեղական ու տարածքային մակարդակներում բիզնես միջավայրի բարելավում, ներդրումներ մարդկային կապիտալում և սոցիալական ենթակառուցվածքում, զբոսաշրջության խթանում, ինչպես նաև տարածքային զարգացման կառավարման կարողությունների ամրապնդում:

## **ՏԱՐԱԾՔԱՅԻՆ ՆԵՐԴՐՈՒՄԱՅԻՆ ՔԱՂԱՔԱԿԱՆՈՒԹՅԱՆ ԲՆԱԳԱՎԱՌ**

**«Հայաստանի կոշտ կենցաղային թափոնների կառավարման ոլորտի ռազմավարական ծրագրին հավանություն տալու մասին» ՀՀ կառավարության արձանագրային որոշման նախագիծը ՀՀ կառավարություն ներկայացնելը**

ՀՀ կառավարության 2016 թվականի գործունեության միջոցառումների ծրագրի 38-րդ կետի կատարման նպատակով՝ մշակվել և ՀՀ կառավարության 2016 թվականի դեկտեմբերի 8-ի թիվ 49 արձանագրային որոշմամբ հավանության է արժանացել «Հայաստանի Հանրապետության 2017-2036 թվականների կոշտ կենցաղային թափոնների կառավարման համակարգի զարգացման ռազմավարությանը հավանություն տալու մասին» ՀՀ կառավարության արձանագրային որոշումը:

Հավանության արժանացած Ռազմավարությամբ նախատեսվում է Հայաստանի Հանրապետության ողջ տարածքում ստեղծել կոշտ կենցաղային թափոնների կառավարման ԵՄ չափանիշներին բավարարող, ինտեգրված համակարգ, որը տեխնիկական, ֆինանսական և բնապահպանական առումներով կայուն և ծախսարդյունավետ ծառայություններ է տրամադրելու բնակչությանը և հիմնարկներին:

## **ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԲՆԱԳԱՎԱՌ**

**Համայնքների խոշորացման պիլոտային ծրագրերի շարունակականության ապահովում (գերակա խնդիր)**

Մշակվել են «Հայաստանի Հանրապետության վարչատարածքային բաժանման մասին» Հայաստանի հանրապետության օրենքում փոփոխություններ կատարելու մասին» և «Տեղական ինքնակառավարման մասին» Հայաստանի Հանրապետության օրենքում փոփոխություն կատարելու մասին» ՀՀ օրենքների նախագծերը: Հունիսի 17-ին ՀՀ Ազգային

ժողովն ընդունել է վերոնշյալ օրենքները, որոնց համաձայն՝ << Արարատի մարզի **Ուրցաձոր**, << Շիրակի մարզի **Ամասիա, Աշոցք, Սարապատ, Արփի**, << Սյունիքի մարզի **Գորիս, Մեղրի, Տեղ, Գորայք**, << Վայոց ձորի մարզի **Վայք, Զերմուկ, Զառիթափ**, << Տավուշի մարզի **Նոյեմբերյան, Այրում, Կողբ** համայնքներում համայնքների միավորման միջոցով ձևավորվել են համայնքային փնջեր: Թվով 118 համայնքների միավորման արդյունքում ձևավորվել են թվով 15 համայնքներ: Այսպիսով, իրականացվել են համայնքների խոշորացման 18 ծրագրեր, ինչի արդյունքում 140 համայնքների միավորման արդյունքում ձևավորվել է թվով 18 համայնք:

Համայնքների բնակիչներին, տեղական ինքնակառավարման մարմիններին տրամադրվել է տեղեկատվություն՝ համայնքների խոշորացման նպատակների, առավելությունների, ռիսկերի վերաբերյալ: Վեր են հանվել և գույքագրվել այդ համայնքների բոլոր հիմնախնդիրները՝ ըստ առաջնահերթության, հետագա ծրագրերում ընդգրկելու նպատակով: Մինչև << Ազգային ժողովի քննարկումները շահագրգիռ համայնքների ՏԻՄ-երի մասնակցությամբ կազմակերպվել և անց կացվել են խորհրդարանական լսումներ:

Խոշորացվող համայնքներում իրականացվել են վերլուծություններ՝ համայնքային փնջերի ծրագրային առաջնահերթությունների վերաբերյալ, ինչի արդյունքում հրապարակվել է այդ վերլուծությունների ամփոփ հաշվետվությունը (այն զետեղված է << տարածքային կառավարման և զարգացման նախարարության պաշտոնական կայքում):

Վարչատարածքային բարեփոխումների ծրագրի շրջանակներում կիրականացվեն ներդրումային ծրագրեր խոշորացվող համայնքներում՝ ԱՄՆ ՄԶԳ (8.6 մլն ԱՄՆ դոլար) և Շվեյցարական դաշնային զարգացման գործակալության (2,4 մլն ԱՄՆ դոլար) ֆինանսավորմամբ:

ԱՄՆ ՄԶԳ ֆինանսավորմամբ երեք միավորված համայնքները՝ Դիլիջան, Տաթև և Թումանյան, շուտով կստանան տեխնիկական լուրջ վերազինում:

Թումանյան համայնքը կստանա 1 բազմաֆունկցիոնալ էքսկավատոր, մեկ բեռնատար մեքենա, մեկ ժամանակակից աղբատար, երեք միկրոավտոբուս: Համայնքի 6 բնակավայրերում կկառուցվեն 6 ավտոբուսային կանգառներ, իսկ Երևան տանող մայրուղու վրա՝ մեկ բազմաֆունկցիոնալ կանգառ-շուկա: Համայնքի համար կկառուցվի մեքենաների և տեխնիկայի կայանատեղ: Թումանյան համայնքի բոլոր գյուղերում այսուհետև կիրականացվի մշտական աղբահանություն:

Տաթև համայնքի համար կգնվի մեկ բազմաֆունկցիոնալ էքսկավատոր, մեկ ավտոգրեյդեր, մեկ ինքնաթափ բեռնատար, երկու հացահատիկ հավաքող կոմբայն և մեկ աղբատար մեքենա, բոլոր գյուղերում կդրվեն աղբամաններ և կիրականացվի մշտական աղբահանություն:

Դիլիջան միավորված համայնքին կտրամադրվեն մեծ թվով մեքենաներ և տեխնիկա, մասնավորապես՝ երկու բազմաֆունկցիոնալ էքսկավատոր, երեք բեռնատար ինքնաթափ, երեք աղբ հավաքող մեքենա, մեկ ավտոգրեյդեր, քաղաքային կոմունալ մեկ ծյուն մաքրող և մեկ փոշեկուլ կոմունալ մեքենա, ամբողջովին կփոխարինվեն Դիլիջան քաղաքի արտաքին լուսավորության հին սարքերը և երկու տարի հետո մենք կունենանք լիովին ժամանակակից լուսադիոդներով լուսավորված համայնք՝ Դիլիջան քաղաքով և 6 գյուղերով: Այս տարվա դեկտեմբեր ամսից Դիլիջանի, Թեղուտի, Հաղարծինի և Գոշի դպրոցներում իրենց աշխատանքն են սկսել ինժեներական լաբորատորիաները, որտեղ արդեն սովորում են 170 ապագա ծրագրավորողներ, եռաչափ նախագծող-ինժեներներ և ռոբոտային տեխնիկայի մասնագետներ:

2017 թվականին համանման տեխնիկական վերազինում կիրականացվի ևս 15 միավորված համայնքներում, որի շնորհիվ մենք կարձանագրենք համայնքային կարողությունների լուրջ աճ: Համայնքները այսուհետև իրենց տրամադրության տակ ունենալով անհրաժեշտ գործիքակազմ, իրենք կլուծեն իրենց հարցերն ու կբավարարեն կոմունալ կարիքները: Սա շատ լուրջ առաջընթաց կլինի համայնքների ինքնուրույնության բարձրացման և կարողությունների հզորացման գործում:

Առանձին աշխատանքային խմբեր զբաղվում են խոշորացվող համայնքներում ընդհանուր տեղեկատվական ցանցի ստեղծման աշխատանքներով, ինչի նպատակն է՝ բնակիչների համար ստեղծել առավել նպաստավոր պայմաններ՝ տեղում ծառայություններից օգտվելու համար:

Մեղրի, Գորիս, Զառիթափ, Վայք, Զերմուկ և Ուրցաձոր խոշորացված համայնքներում գործարկվել է Համայնքային կառավարման տեղեկատվական համակարգի՝ (ՀԿՏՀ) խոշորացված համայնքի համար մշակված տարբերակը: Տեղեկատվական այս համակարգը, որում ներառվում են համայնքապետարանի գործառույթներին առնչվող տեղեկատվության կենտրոնացված շտեմարանները, հնարավորություն է ընձեռում մեկ ընդհանուր տեղեկատվական միջավայրում ներառել համայնքի կենտրոնի և վարչական

ներկայացուցիչների գրասենյակները, բնակիչներին տրամադրել տարբեր տեղեկանքներ՝ համայնքի բոլոր բնակավայրերից:

**«Ֆինանսական համահարթեցման մասին» ՀՀ նոր օրենքի նախագիծը ՀՀ կառավարություն ներկայացնելը**

Նախատեսվում է պետական բյուջեից համայնքներին համահարթեցման սկզբունքով տրամադրվող դոտացիաների բաշխման նոր մեխանիզմ, բնակչության թվից առավելապես կախված բաշխումից անցում է կատարվում բազմագործոն բաշխման, լրացուցիչ հաշվի առնելով համայնքների տրանսպորտային հասանելիությունը (մարզկենտրոն, Երևան), բարձրադիտությունը, համայնքում ընդգրկված բնակավայրերի քանակը, բնակչության տարիքային կազմը, մասշտաբի էֆեկտը: Անցումային էտապի հիմքում դրված է 2016թ. փաստացի դոտացիայի ծավալից չնվազելու սկզբունքը, նոր տրամաբանությամբ բաշխվում է հավելածր: ՀՀ Ազգային ժողովի կողմից օրենքն ընդունվել է 2016թ. հոկտեմբերի 20-ին: 2017 թվականին հատկացվելիք համահարթեցման դոտացիաները հաշվարկվելու են նոր օրենքի բանաձևով:

**«Տեղական ինքնակառավարման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագիծը ՀՀ կառավարություն ներկայացնելը**

Այն անդրադառնում է ինչպես Հայաստանի Հանրապետության 2015թ. Սահմանադրությունից բխող փոփոխություններին և լրացումներին, այնպես էլ առավել լայն մասշտաբով օրենսդրական կարգավորումների փոփոխություններին և լրացումներին, որոնք պայմանավորված են Տեղական ինքնակառավարման Եվրոպական խարտիայով, Տեղական իշխանությանը մասնակցելու իրավունքի մասին Տեղական ինքնակառավարման Եվրոպական խարտիայի լրացուցիչ արձանագրությամբ (Ուտրեխտի արձանագրություն), ինչպես նաև միջազգային լավագույն փորձով: ՀՀ Ազգային ժողովի կողմից օրենքն ընդունվել է 2016թ. դեկտեմբերի 16-ին:

**«Հայաստանի Հանրապետության գյուղական համայնքների 6-րդ համաժողովի նախապատրաստման ու անցկացման նպատակով Հայաստանի Հանրապետության փարաժրային կառավարման և զարգացման նախարարությանը գումար հատկացնելու մասին» ՀՀ կառավարության որոշման նախագիծը ՀՀ կառավարություն ներկայացնելը:**

Հաշվի առնելով այն, որ 2016 թվականին հանրապետությունում նշվում է տեղական ինքնակառավարման համակարգի ներդրման 20-ամյա հոբելյանը՝ ՀՀ տարածքային կառավարման և զարգացման նախարարությունը առաջարկել է Հայաստանի Հանրապետության գյուղական համայնքների 6-րդ համաժողովի փոխարեն կազմակերպել հոբելյանական ընդունելություն՝ ապահովելով տեղական ինքնակառավարման մարմինների ներկայացուցիչների, մասնավորապես՝ համայնքների ղեկավարների լիակազմ մասնակցությունը, ինչը հնարավոր չէր լինի համաժողովի շրջանակներում:

ՀՀ կառավարության կողմից այդ առաջարկությունն ընդունվել է ի գիտություն: Հայաստանում տեղական ինքնակառավարման համակարգի ներդրման 20-ամյակին նվիրված հանդիսավոր նիստը և հոբելյանական միջոցառումները կազմակերպվեցին 2016 թվականի նոյեմբերի 15-ին՝ Ալ. Սպենդիարյանի անվան օպերայի և բալետի ազգային ակադեմիական թատրոնում: